



受經之後長齋存具捨俗習道精思誦文日轉十過涉歷三年十日之中數充萬過解了究悉具足修行鍊易備弘身神相一雲龍來迎上昇三清過畢未去其事有二一者功成德就赴感濟時運未隱景故續獎後生二者

太上五星七元空常訣

未究竟行未備周練未能精思未招應雖說未昇方須研進道欲觀妙損已度人勇猛立功精嚴存念或多或少一月三修物我咸通積熟成德念念不斷善善相聯恒見三尊雲駕自至久必神通緣促則塞塞而德過亦弗能超越然行周身神俱勝矣

行周者能仁義禮智信救度天人也有此五德雖具而微不周濟物濟物功少皆非行周無望得道得道之由由行五德行五德者三業則定十善事成太一必降五老桐莠得道無疑也

太上老君大存恩圖注訣

太上五星七元空常訣

七元圖

凡五

飛行五星之道以尋步水火土金五星來降致神雲羽蓋登太玄之階谷希子法閉氣上置往還十五過每至星所左手拊心默祝曰五星列照云云未登置時先存五星精在五藏中也每步置單輒按而為之行之十四年白日龍飛要道在尺素上是此之圖矣太上真人步五星之道以致五星降室閉氣上置當先呼五星皇夫人名字單乃越置踏星謂始上置便頓住呼名字呼名字單乃越置踏星耳若每至星上得復重心呼所至星處之名字益其佳也若其煩重難常但可按舊而行耳昔鬱沙公北里子生長陵老人皆按此法而得昇天不以煩難為辭也所謂治生者矣商販汲汲豈憚險難哉所期唯錢貨而已耳若使求道者常如買販之用心亦有何不得仙耶但惜初學者皆言專盡動至而後輒懈縱有似車之將敗而百節緩落又似負重之牛造遠足蹇末學者之所患而為得

者之所笑皆如此輩事耳苟心研內鏡者是為感發乎神將有靈人發子之蒙攜辰景之與矣五星布圖常向南也以太白位在西歲星在東按而施之所以爾者五星隱伏縱橫無常不如北斗列象恒在故一以定位於五方不得隨星之所在也



太素真人曰步五星初未登星置之時及訖下置之時並先存五星之精在我五藏中存畢叩齒五過咽液五過微祝曰五辰列橫煥朗五方水星却災木星致昌癸感消禍太白辟兵鎮星四據我得利貞名刊玉簡錄宇帝房乘颺扇景飛騰太空出入冥無遊冥十方五雲覆蓋招神攝風役使萬靈上為仙公畢正心向置口當上下之際而存祝之也東方歲星真皇君名澄瀾字清凝夫人名實谷字飛雲

南方葵感真皇君名維濟字散融夫人名華瓶字玄羅中央鎮星真皇君名藏陸字耽延夫人名空瑛字飛賢西方太白真皇君名寥凌字振專夫人名聰英字靈恩北方辰星真皇君名咸咄字精源夫人名玄華字龍威閉氣上置當先呼五星名字及夫人名字畢

乃越罡踏星先舉兩足上太白從太白登鎮星從鎮星登火星從火星登木星從木星登辰星從辰星還躡太白凡三過乃更閉氣上置按舊往還十五過每至星所輒呼皇君及夫人名字左手拊心祝曰云云

經曰行事時皆北向執籙書而為之者謂始學真妙未涉微遠不解星位之首向不識玄斗之指建故當北向執書以漸求之耳若既解書意識星轉之隨時自宜隨斗所指按而存步如此則無有常向不為皆向北也夫一切北向自為始學者耳恐此將可以意通觸類不足復問耶三八景合二十四神以次念之亦可一時頓存三八亦可平旦存上景日中存中景夜半存下景在人意為之也若外身幽巖屏絕人

事內念神闕攝真朝氣將可平旦頓存三八景三時又各重存一景益當佳也但人間多事此煩難常行耳事不得常為益自薄昔西城王君桐栢上真皆按此道也按苞玄玉錄白蘭青經云不存二十四神不知三八景名字者不得為太平民亦不得為後聖之臣

太素真人曰欲變化分形隱淪八方匿軀藏景入空造冥來致萬物討捕眾軒當恒修空常之精思也八節日六丁日亦修之若併重日者亦再行之或以步罡後仍行亦善此隱淪之道也其空常罡上有二十五黑點

- 第一點地名九常居之以逃形
- 第二點名育常化身為草木萬物
- 第三點名卯常變身為山陵萬物
- 第四點名流常逃氣化氣
- 第五點名行常逃火
- 第六點名上常人見之云上天下地
- 第七點名天常逃火
- 第八點名玄常逃水

第九點名三常逃兵
第十點名辰常逃死

第十一點名祝處空常心也

第十二點名河常化作水火

第十三點名元常住此化作草木

第十四點名古常住此化作鳥隨心

第十五點名已常化形為鳥獸

第十六點名九常逃凶

第十七點名世常逃神

第十八點名明常逃水成地

第十九點名王常住此作虎

第二十點名法常化身為千

第二十一點名陰常住此化作龍

第二十二點名黃常住為女子分形為百


第二十三點名定常住此化作萬物任心

第二十四點名飛常逃身為六畜而人不见

第二十五點名六常逃鬼殺人



太上五星七元空常訣



步空常之道始於九常每造第十一中央星之所而微祝曰

四明上元日月氣明流光煥曜二十五星灌液凝魂神水散形蕩穢清練洞徹幽冥玉簡青錄高閣刻名石鏡王馬照知鬼形藏身靈

緯上朝上清

斗第一太清中有變隱逃元內妃名空常法

垣字辛正披黃錦被丹青飛裙

第二元星保胎化形內嬪名空常三瓮字羅

朱嬰青錦被綠羽飛裙

第三真星六遊七隱上元元母名空常靈夷

字冲雙兆青錦被繡羽華裙

第四紐星匿景藏光中元內妃名空常七列

字橫單盤紫錦被黃華羽裙

第五網星變體易景斗中大女名空常鬱書

字疇丘蘭朱錦被紫青飛裙

第六紀星隱迹散象斗中中女名空常氣精

字抱定陵朱錦被青繡飛裙

第七關星分景萬形斗中少女名空常郁墨

字天凡淑丹錦被青華羽裙

第八帝星化日月水火斗中高皇左夫人名

空常石啓珠字落茂華紫錦被繡羽飛裙

第九尊星化金石山河斗中高皇右夫人名

空常愛上條字靈育玄綠錦被翠羽華裙

九人頭並額雲髻閉氣上罡先呼九星內妃

名字畢乃躡星也太白橫懸散芒鋒遂吐三

別兩金英圖涕增宇流場玄室皓鬱太白星

也橫行而懸散於芒鈺縱布於九天者也真

人以此星有七芒常存吐西方三芒引南方

兩芒於是金華徹目圖明涕駭以洞一身既

洞得與星神入增字及流揚之宮宮內有玄室既晏而遊拜為真人也此皆太白星中宮室名也

行太上隱書事

經曰行事時皆北向執隱書而為之者謂始學真妙未涉微遠不解星位之首向不識玄斗之指建故當北向執書以漸求之耳若既解書意識星轉隨時自宜隨斗所指按而存步如此則無有常向不為皆向北也夫一切北向自為始學者耳恐此將可以意通觸類不足復問耶

太上真人步五星之道以致五星降室閉氣上置當先呼五星君皇夫人名字畢乃越星踏星謂始上置便頓住呼名字呼名字畢乃越星踏星耳若每至星上得復重心呼所至星處之名字益其佳也若其煩重難常但可按舊而行耳昔鬱沙公北里子生長陵老人皆按此法而得昇天不以煩難為辭也所謂治生者矣商販之汲汲豈憚於難哉所期唯錢貨而已耳若使求道者常如買販之用心

亦有何不得仙耶但惜初學者皆言專盡勤至而後輒懈縱有似車之將敗而百節解落又似負重之牛造遠足蹇末學者之所患而為得者之所笑皆如此輩事耳苟能心研內鏡者是為感發乎神將有靈人發子之蒙攜辰景之與矣至五星布圖常向南也以太白位在西歲星位在東按而施之所以爾者五星隱伏縱橫無常不如北斗列象常在故一以定位於五方不得隨星之所在也

三八景合二十四神以次念之亦可一時頓存三八亦可平旦存上景日中存中景夜半存下景在人意為之也若外身幽巖屏絕人事內念神闕攝真朝氣將可平旦頓存三八景三時又各重存一景益當佳也但人間多事此煩難常行耳事不得常為益自薄昔西城王君桐栢上真皆按此道也按苞玄玉錄白簡青經云不存二十四神不知三八景名字者不得為太平民亦不得為後聖之臣受大洞真經應受上道法衣中不假人不同器血者卑服床寢不共之也所以過穢垢之津

路防其邪風之往來耳此甚易行而以爲難所謂信道不篤欲飛返坑諸修洞房行步七元者眠初起初卧時及臨食畢先微祝曰

五皇五通玉宇洞房回元隱道豁落七晨生魂者玄父變一成神生魄者玄母化二生身攝吾筋骨者公子為吾精氣者白元長生久視飛仙十天畢勿令耳聞祝音此太上隱祝以除邪氣致精神欲變化分形隱淪八方匿軀藏景入空造冥來致萬物討捕衆軒當修空常之精思也當一月七步空常置如用步七元日也亦以夜半或以日中或以平旦於靜室行道

八節日六丁日亦修之若併重日者亦再行之或以步畢後仍行亦善此隱淪之要道也其空常置上有二十五黑點
第一點地名九常居之地形神異書
第二點名育常化身為草木萬物燒道字
第三點名如常變身為山陵萬物金上字
第四點名流常化氣化氣谷清字

第五點名行常逃火浩光字

第六點名上常人見之云上天下地元光字

第七點名天常逃火卓度字

第八點名玄常逃水廣玄字

第九點名三常逃兵廣元字

第十點名辰常逃死內益字

第十一點名中祝處空常心也常勝字

第十二點名河常化作水火洪精字

第十三點名元常住此化作草木南治字

第十四點名古常住此化作鳥隨心微通字

第十五點名已常化形為鳥獸李行字

第十六點名九常逃凶上陽字

第十七點名世常逃神若元字

第十八點名明常逃水成地若洞字

第十九點名玉常住此作虎王陽字

第二十點名法常化為千身綠臺字

第二十一點名陰常住此化作龍玄通字

第二十二點名黃常住為女子分形為百空宜字

第二十三點名定常住此化作萬物任心陽

字數

第二十四點名飛常逃身為六畜而人不可見上元字

第二十五點名六常逃鬼殺之人終安字

步五星初未登星罡之時及訖下罡之時並

先存五星之精在我五藏之中存畢叩齒五

通咽液五過微祝曰

五辰列橫煥朗五方水星却災木星敦昌榮

感消禍太白辟兵鎮星四據我利貞名刊

玉簡錄字帝房乘馳扇景飛騰太空出入冥

無遊宴十方五雲覆蓋招神攝風役使萬靈

上為仙公畢正心向罡口當上下之際而存

祝也

閉氣上罡當先呼五星名字及夫人名字畢

乃越罡踏星先舉兩足上太白從白登鎮星

從鎮登火星從火登木星從木登辰星從辰

還躡太白凡三過乃更閉氣上罡按舊往還

十五過每至星所輒呼皇君及夫人名字左

手拊心祝曰云云

第一太白星黃錦幘丹青飛裙

第二元星青錦幘綠羽飛裙

第三真星青錦幘縹羽華裙

第四紐星紫錦幘黃華羽裙

第五綱星朱錦幘紫青飛裙

第六紀星朱錦幘青縹飛裙

第七關星丹錦幘青華羽裙

第八帝星紫錦幘縹羽飛裙

第九尊星綠錦幘翠羽華裙頭並額雲髻步

空常之道始於九常每造第十一中央星之

所而微祝曰

四明上元日月氣明流光煥曜二十五星灌

液凝魂神水散形蕩穢清練洞徹幽冥玉簡

青錄高閣刻名石鏡玉馬照之鬼形藏身靈

緯上朝上清

東方歲星真君澄淵清鏡

夫人寶容飛雲

南方熒惑星真君維滄散軼

夫人華瓶玄羅

中央鎮星真皇君藏陸軌延

夫人空瑤飛賢


西方太白星真皇君家凌振尋

夫人懿英靈恩

北方辰星真皇君威喧精源

夫人玄華龍娥

飛步空常圖



修空常訣要

凡欲步空常飛罡逃形變景飛行玉清當以
 一月七過行之八節六丁日亦行其道至其
 日入室燒香左右敷置圖席南向叩齒二十
 四通閉眼思五星煥明五方良久來下入已

身五藏之中金星入肺宮土星入脾宮火星
 入心宮木星入肝宮水星入腎宮五星光明
 洞曜五藏覺體薰熱便思五星皇夫人及二
 十五點空常帝君晨君姓名衣服各在其方
 都畢微祝曰

金木水火土總氣四元玄精流映光照五明
 中有五星夫人靈君二十五點空常天尊變
 化形影千合萬分降入五藏結成玉仙練我
 七魄育我三魂舉形上昇飛入斗門遊戲上
 都五星齊羣今日玄慶請知所陳引星光氣
 星也

併足上太白星上閉氣七息向西微祝曰
 西方七門白氣飛光上有皓帝少陽明皇厥
 諱家凌衣服雲裳監精流映煥明金宮號曰
 五點空常之宗席符建節召陰攝陽變化水
 火七十四方便我飛步隱景入空駕乘白輿
 翔翔雲房天地長年永享無窮仰叩七
 氣止
 併足鎮星上閉氣十二息向西南仰天而微
 祝曰
 中皇四氣總監八靈玉臺紫房神點化生內

有元星五帝隱名號曰藏陸安鎮黃庭衣帶
 飛雲首建華精執符持鉞煥落火鈴使我飛
 步告我神名下降脾府鎮神安精上天入雲
 藏景逃形變化萬物遊遊玉清得與皇君俱
 保太明引星光十
 二四止

併足英惑星上閉氣三息向南微祝曰
 三門洞曜丹光流精玄氣鬱勃煥映南冥上
 有赤皇五常明靈厥諱維津衣錦文精首建
 寶冠腰玉佩鈴出入朱宮紫房絳城保錄我
 命南宮記生使我飛步變氣藏形日吉行道
 普天肅清心神結真五魂洞明齊光三氣合
 景火星引星光
 三四止

併足歲星上閉氣九息向東微祝曰
 東方九氣青天王門中有青晨玄上之君流
 青鬱勃是為天魂厥諱溼瀾天地高尊身衣
 鳳衣斑文虎裙化生五點變景九晨頭建青
 精橫天玉冠金符羽節流鈴紛紛手執隱書
 飛行羽文總我命錄保我身形肝門外映內
 曜神庭迎我高登上朝帝晨引星光九
 四五止
 併足辰星上閉氣五息北向微祝曰

五氣北玄玄門洞靈北宸流映魁上玉精中
有太皇五帝尊名厥諱咸啞衣服玄青首建
玉冠腰帶流鈴金章玉節翠佩煥明徘徊罕
晨傍觀八冥玄津下降入我賢庭保錄五神
藏腑鮮榮內外充溢變化景形骨飛騰昇上

造玉清引星光氣

步五星單次登空常靈第一併足上九常上

祝曰

地九常君變景幽冥為我隱步以逃我形

次登育常祝曰

次登靈君形無常服為我變化身為草木

次登卯常祝曰

卯常尊神能沉能昇為我化景變成崗陵

次登流常祝曰

流常皇君形無恒身為我喻吐與氣起煙

次登行常祝曰

行常大君威伏為鬼變化我形起煙成火

還金星上閉氣七息叩齒七通祝曰

飛空太幽化景五常北入五氣南制三陽金

符命靈太帝扶將六戊逃已保度洞鄉太白

護肺金鎮胃腸內充外溢形魂俱翔千變萬
化適意所迎得與玉皇同遊上京引氣七

從金十二步登土星併足上常祝曰

次登天常祝曰

天常流炎起煙成壘為我逃形帶神入火

次登玄常祝曰

玄常北玄以水為身隱我河海觀我成真

次登三常祝曰

三常變威光制八庭為我致仙却災攘兵

次登辰常祝曰

辰常萬化體無常形為我致仙逃死著生

還土星上閉氣十二息叩齒十二通祝曰

元帝五皇中皇大神變氣七金成伏三晨逃

身分形上天入雲總呼五靈衛我脾門使我

藏府早化成仙飛玄入空水火萬原在所意

欲上昇無端得與皇妃結友齊真引氣十

從土星三步登火併足空常祝曰

空常至靈輔弼上具入我絳宮總攝萬仙

次登河常祝曰

河常逃伏隱道八冥水火變化使我仙成

次登元常祝曰

元常變化草木蔽身使我形景同合道真

次登古常祝曰

古常天雙出入無間身生羽翮飛昇上天

次登巳常祝曰

巳常南離建九雲覆變化我形立成鳥獸

還火星上閉氣三息叩齒三通祝曰

流炎丹雲三門電庭五常變道萬化鬱冥攝

命土皇威制北精上元保錄固我長生今日

步空乘虛入星葵感輔心我道洞明千分萬

合所向立成魂導魄練羽服時生得與五皇

攜與玉清引氣三

從火星九步登木併足九常祝曰

九常青皇天地魂根使我變化逃景隱山

次登世常祝曰

世常天靈總度萬仙使我步空合景成神

次登明常祝曰

明常照照光曜八曾使我變形逃水成地

次登玉常祝曰

次登玉常祝曰

王常威化制御五土使我化形立住成虎

次登法常祝曰

法常部木位總神仙使我分景化身為千

還木星上閉氣九息叩齒九道祝曰

少陽九門徘徊青天中有五常變化億千呼

陰召陽制御金神東華命節節應自然步空

躡虛莫駕青煙上降碧靈下鎮肝門道明九

合立致飛仙得與青皇同真木晨引氣九

從木星五步登水陰常上祝曰

陰常北玄萬化之宗使我住此立成神龍

次登黃常祝曰

黃常陰化化為仙子使我分形立為百已

次登定常祝曰

定常總元變化鬱勃使我分形以成萬物

次登飛常祝曰

飛常總元入空上下含響百韻化形六畜使
人不見

次登六常祝曰

六常綱紐制鬼御神回轉天地當之殺生

還水星上閉氣五息叩齒五道祝曰

北玄五氣五門開張中生黑皇號曰五常變

化幽冥出陰入陽召命三震制御土官使我

飛步逃景太空在所通向分形百方上造勾

陳昇身玉京體生奇毛脣府納芳今日行道

神仙之宗得天上願享祚無窮引氣五

步常都竟便下從門叩齒三十六通向罡歌

三洞飛步章九步登陽明星併足東向祝曰

太上宮中變隱逃元內妃大神太一上尊總

領命籍為我致仙職形逃已上昇帝軒

次登陰精東北向祝曰

中元宮中保胎化形內嬪太真高上玄靈斬

胞解結練胎回精變化萬方使我長生

次登彌星向真人祝曰

真元宮中六邇七隱上元元母育我胎產遷

化金室變乘蒼輦使我飛空長年無限

次登玄冥向北祝曰

細幽宮中匿景藏光內妃神仙大宗靈剛度

我六戊出我八方逃跡飛步上超帝房

次登丹元西向祝曰

綱神宮中變體易景斗中大女玄化無像度

我元斗書名帝傍飛空東虛騰身浮影

次登北極東北向祝曰

紀明宮中隱迹散眾斗中中女靈化上官落

我玄籍度名諸方分身成千反容更童

次登天關西北向祝曰

關會官中分景萬形斗中少女玄上太靈隨

斗運機轉輪萬生使我飛空變化太冥

次登輔星向天門叩齒九道祝曰

帝席上官左皇夫人上對帝君齊景合真號

曰空常變化九天運導日月聚氣成煙回轉

水火萬怪去身是時元吉玄慶敷陳使我飛

步乘常入真九晨流落享福萬千形齊天光

壽比靈椿叩齒二十

次登彌星向地戶叩齒九道祝曰

上尊上官夫人右皇帝尊同符合靈華房天

魂地魄號曰上空變化九氣萬真祖宗回金

轉石與天齊功消山竭河呼雲召龍萬怪立

應分景億通飛步躡虛流煥四衝藏身魁席

覆夜天光長靈天地享慶洋洋請如所願受

福永終叩齒三十